



## HERRI ARDURALARITZAREN EUSKAL ERAKUNDEAK ETA BOTERE JUDIZIALAREN KONTSEILU NAGUSIAK LANGILEAK PRESTATZEKO SINATU BEHAR DUTEN HITZARMENARI BURUZKO TXOSTENA

---

2017/36 LT

### I.- AURREKARIAK

Herri Arduralaritzaren Euskal Erakundearen Zerbitzu Orokorrak goian aipatutako hitzarmenari buruzko txostena eskatu du. Hitzarmen horrekin batera espedientean dago HAEEko Azterlan eta Argitalpen Zerbitzuaren arduradunaren oroitza.

Txosten hau oinarritzen da Euskal Autonomia Erkidegoaren Administrazio sailak sortu, ezabatu eta aldatzen dituen eta horien egitekoak eta jardun-arloak finkatzen dituen azaroaren 26ko Lehendakariaren 24/2016 Dekretuaren 6.1.h) atalean, eta Herri Administrazio eta Justizia Sailaren egitura organikoa eta funtzionala ezartzen dituen 188/2013 Dekretuaren 13.1 a) atalean.

### II.- HITZARMENAREN AZTERKETA

#### A). Eskumenak

Herri Arduralaritzaren Euskal Erakundearen Araubide Juridikoaren uztailaren 27ko 16/1983 Legearren laugarren artikulua arabera, eta Herri Arduralaritzaren Euskal Erakundearen egitura eta eginkizunak arautzen dituen urriaren 16ko 200/2012 Dekretuaren bigarren artikulua arabera, erakunde honek bere helburuen artean honako hauek ditu:

- Euskal Autonomia Erkidegoko administrazio orokorreko langileak prestatzea, eta gainerako euskal administrazio publikoekin lankidetzan jardutea, beren baitako langileak prestatzeko.

- Administrazio publikoen eta zuzenbide publikoaren funtzionamenduaren eta antolaketaren inguruan, ikerketak eta azterlanak egin, aholkularitza eman, dokumentazioa landu, informazioa zabaldu eta argitalpenak egiteko jarduerak aurrera eramatea eta bultzatzea, zerbitzu publikoa etengabe hobetu eta zerbitzu horren eraginkortasuna eta efizientzia areagotzeko.
- Euskal Autonomia Erkidegoak eta Euskadiko administrazio publikoek legeen, finantzen, ekonomiaren, gizartearen eta estatistikaren aldetik edo beste edozein arlotan dituzten berezitasunak ikertu, irakatsi eta ezagutzera emateko jarduerak aurrera eraman eta bultzatzea.
- Espainiako zein atzerriko antzeko beste erakunde batzuekiko truke-harremanak bideratu eta hitzarmenak egitea.

Bestalde, Botere Judizialaren uztailaren 1eko 6/1985 Lege Organikoaren 560.1.7 artikulua araberako Botere Judizialaren Kontseilu Nagusiari dagokio ebatzea epaile eta magistratuen prestakuntzaren eta hobekuntzaren inguruan. Horretarako, lege horren 433 bis artikuluekin bat etorrita, hitzarmenak sinatu ahal ditu beste erakundeekin.

## **B) Hitzarmenaren oinarri juridikoa**

Sektore Publikoaren Araubide Juridikoaren urriaren 1eko 40/2015 Legearen VI kapituluak hitzarmenak arautzen ditu. Honen harira 47 artikulua ezartzen du hitzarmenak direla ondorio juridikodun akordio batzuk, administrazio publikoek, haiei lotutako edo haien menpeko organismo publikoek lotutako edo haien menpeko organismo publikoek eta zuzenbide publikoko entitateek edo unibertsitate publikoek beren artean edo zuzenbide pribatuko subjektuekin sinatuak, xede komun bat lortze aldera. Bestalde 49 artikulua zehazten ditu hitzarmenek barnean, gutxienez, hartu behar dituzten gaiak.

## **D) Hitzarmenaren edukia**

Hitzarmenaren azalpen zatian adierazten da zeintzuk diren sinatzen duten subjektuak eta alderdietako bakoitzak zer gaitasun juridikoarekin jarduten duen eta zer eskumenetan oinarritzen den jarduketa.

Lehenengo klausulak ezartzen du hitzarmenaren xedea dela bi alderdien arteko lankidetzako lerro nagusiak finkatzea, ikastaroak, mintegiak eta mahai inguruak antolatzeko. Halaber, azaltzen du jarduera guzti horiek zuzenduta egongo direla bai estatuko karrera judizialeko kideei, zein euskal administrazio publikoetako langileei ere.

Bigarren klausularen bidez alderdiek adosten dute Jarraipenerako Batzordea izendatuko dela hitzarmenari jarraipena egiteko; honetaz gain batzorde horren eginkizunak zehazten dira. Hirugarren klausularen arabera alderdietako bakoitzak bere programen eta prestaketarako jardueren inguruko informazioa eman beharko dio besteari.

Laugarren klausulak ezartzen ditu hitzarmenaren xedea betetzeko alderdietako bakoitzak egin beharreko jarduketak. Halaber, azaltzen du hitzarmen honek ez duela gasturik sortuko alderdientzako. Bosgarren klausula datu pertsonalen babesari buruzkoa da.

Seigarren klausulak hitzarmenaren iraupena finkatzen du, sinatzen duten egunetik 2017ko abenduaren 31arte, baina adierazten du luzapena egiteko aukera egongo dela. Zazpigarren klausulak hitzarmena suntsiarazteko arrazoiak zehazten ditu.

### **III. ONDORIOA**

Hitzarmenaren xedea alderdi sinatzaile bien eskumen-esparru barruan dago eta biek interesa dute langileen prestakuntzaren gaietan lankidetzan jarduteko. Halaber, Sektore Publikoaren Araubide Juridikoaren urriaren 1eko 40/2015 Legean eskatutako baldintzak betetzen ditu hitzarmenak. Hori guztia dela eta, Herri Arduralaritzaren Euskal Erakundearen eta Botere Judizialaren Kontseilu Nagusiaren arteko hitzarmena legediarekin bat dator. Hau da nik neuk emandako txostena, eta zuzenbidean oinarritutako edozein txosten hoberen menpe jartzen dut.